

# SLUŽBENI GLASNIK OPĆINE BREZA

Godina VII Broj: 9.

Breza, 26.12.2005.godine

BOSNA I HERCEGOVINA  
FEDERCIJA BOSNE I HERCEGOVINE  
ZENIČKO-DOBOJSKI KANTON  
OPĆINA BREZA  
- Općinsko vijeće -

Broj:1/1-02-2254/05  
Breza,22.12.2005.godine

Na osnovu člana 2. Zakona o budžetima - proračunima u Federaciji BiH ("Sl.novine FBiH" broj: 20/98), člana 22. tačka 5. Zakona o lokalnoj samoupravi ("Sl.novine ZE-DO kantona" broj 13/98) i člana 27. tačka 4. i člana 96. Statuta Općine Breza ("Sl.glasnik Općine Breza" broj 1/99, 4/99 i 7/99), Općinsko vijeće Breza, na prijedlog Općinskog načelnika na sjednici održanoj 22.12.2005.godine, donijelo je

## BUDŽET OPĆINE BREZA ZA 2006.GODINU

Budžet Općine Breza za 2006.godinu sastoji se od:

**- P R I H O D I            2.002.800 KM**

**- R A S H O D I            1.972.800 KM**

**- TEKUĆA REZERVA    30.000 KM**

Prihodi i izdaci za period od 01.01.2006. - 31.12.2006.godine utvrđeni su u Bilansi prihoda i izdataka.

PREDSJEDAVAJUĆI  
Općinskog vijeća  
Vinko Pandža,s.r.

.....

## **O B R A Z L O Ž E N J E**

### **I - PRAVNA REGULATIVA**

Godišnji budžet predstavlja jedan od najvažnijih instrumenata politike Općinskog vijeća i Općinskog načelnika i sredstvo pomoću kojeg se ciljevi i politika općinskog Vijeće i Načelnika provode u programe, usluge i aktivnosti.

Budžet je procjena godišnjih prihoda i primitaka, te utvrđeni iznos izdataka i drugih plaćanja.

Cilj donošenja budžeta jeste da se omogući i organizira nesmetano finansiranje, a time i rad korisnika sredstava budžeta Općine Breza za 2006.godinu.

Pravni osnov za donošenje Budžeta Općine Breza sadržan je u članu 22. tačka 5. Zakona o lokalnoj samoupravi, prema kojem Općinsko vijeće donosi budžet na prijedlog Općinskog načelnika.

Dodatni propisi za izradu budžeta su:

- Zakon o proračunima - budžetima FBiH;
- Zakon o pripadnosti javnih prihoda ZE-DO kantona;
- Zakon o porezima ZE-DO kantona;
- Zakonom o sistemu indirektnog oporezivanja u BiH,
- Zakona o uplatama na Jedinostveni račun i raspodjeli prihoda,
- Zakona o porezu na dodanu vrijednost,
- Zakon o građevinskom zemljištu FBiH
- Zakon o komunalnim naknadama;
- Zakon o porezu na promet nepokretnosti;
- Zakon o koncesijama ZE-DO kantona;
- Zakon o cestama FBiH, itd.

### **II - UVODNE NAPOMENE**

Pri izradi Budžeta za 2006.godinu, koristili smo smjernice "Dokument okvirnog Budžeta 2006. Federacije BiH", upućeno od Federalnog Ministarstva finansija, a bazira se makroekonomski gledano na Srednjoročnim okvirima rashoda 2006.-2008.godina.

Navedene smjernice obuhvataju:

- 1) - srednjoročne makro-ekonomske pretpostavke
- 2) - srednjoročni fiskalni izgledi
- 3) - problematika upravljanja javnim rashodima
- 4) - prioritetni rashodi i inicijalna budžetska ograničenja 2006-2008.godina.

Makroekonomski gledano, stopa rasta GDP-a trebala bi se povećavati za 7,6%, 7,3%, odnosno 7,4% u periodu naredne tri godine.

Osnovu za projekciju predstavlja prosječna stopa rasta (bruto) prihoda od 5%, kao i alternativni planovi štednje u slučaju da ostvarenje naplate PDV-a bude manje od pretpostavljenog nivoa.

Nova zakonska rješenja i tretman poreza na promet proizvoda i usluga koja je uređena Zakonom o porezu na dodanu vrijednost ("Sl.glasnik BiH" broj 9/05 od 24.02.2005.godine i "Sl.glasnik BiH" broj 35/05, od 06.06.2005.godine) biće u primjeni od 01.01.2006.godine.

Procjenjuje se da će inflacija ostati na niskom nivou do 2% godišnje u toku cijelog perioda.

Uvođenje Poreza na dodanu vrijednost će imati značajne implikacije na prihode kantona i općina, jer se još nije utvrdio ključ po kome će se sredstva raspoređivati. Polazi se od pretpostavke da će dio raspoloživih sredstava od PDV-a u svojoj ukupnoj sumi za općine biti isti kao i za 2005.godinu od sredstava poreza na promet proizvoda i usluga. Model rasporeda sredstava će trebati pretrpjeti određene korekcije nakon godinu dana iskustva sa PDV-om, kada elastičnost prihoda postane očigledna nakon što se ekonomija oporavi od inicijalnog šoka od uvođenja PDV-a.

Ekonomija u FBiH nalazi se u uzlaznoj fazi privrednog ciklusa i njen rast može se očekivati nominalno između 7% i 7,5%.

Plan Budžeta Općine Breza za 2006.godinu orijentiran je na poboljšavanje određivanja prioriteta i veće izdvajanje resursa za javne investicije. Ovakva ulaganja će trebati, u svrhu modernizacije i razvoja javne infrastrukture potrebne za podršku održivom ekonomskom rastu i razvoju.

### **III - OBRAZLOŽENJE POJEDINIH RJEŠENJA-**

#### **PRIHODI**

Prihodi Budžeta Općine Breza u 2006.godini planirani su u visini od 2.002.800 KM.

Struktura plana prihoda je slijedeća:

1. - Porezni prihodi		794.000 KM
- Direktni porezi	404.000 KM	
- Indirektni porezi	390.000 KM	
2. - Neporezni prihodi		<u>1.208.800 KM</u>
UKUPNO:		2.002.800 KM

Ovakvo planirani prihodi zasnivaju se na realnim projekcijama prihoda, odnosno njihovim ostvarenjem tokom proteklog dijela budžetske godine i smjernicama Federalne vlade, a vezano za uvođenje poreza na dodanu vrijednost od 01.01.2006.godine.

Općinski načelnik zadržava pravo uvođenja alternativnih planova štednje za slučaj da nivo prikupljenih prihoda bude niži od pretpostavljenog nivoa.

**Porezni prihodi** se planom budžeta za 2006.godinu po prvi puta razdvajaju na direktne poreze (porezi na dobit, porez na plaću i radnu snagu, porez na imovinu i posebne poreze za zaštitu od nesreća) i indirektno poreze (Porez na dodanu vrijednost i Prihodi od indirektnog oporezivanja sa Jedinствrnog računa - naknade puteva iz cijena nafte). Zajedno čine procent od 40% udjela u ukupnim prihodima Budžeta za 2006.godinu ili 794.000 KM.

Direktni porezi se prikupljaju na kantonalni račun i odgovarajućim omjerom (Zakon o pripadnosti javnih prihoda "Sl.novine FBiH" broj 26/96, 32/98, 54/01 i 37/03), vraćaju na račune općinskih budžeta.

Prikupljanje ovih prihoda veže se za angažovanje kantonalnih organa (Poreska uprava) i zakona većeg nivoa vlasti .

Direktni porezi planirani su iznosom od 404.000 KM, što čini 51% poreznih prihoda ili 20% ukupnih prihoda Budžeta za 2006.godinu.

Indirektni porezi od 390.000 KM - PDV i naknade puteva iz cijena nafte, čine 49% poreznih prihoda ili 19% ukupnih prihoda Budžeta za 2006.godinu. Ova vrsta poreza regulisana je Zakonom o sistemu indirektnog oporezivanja u BiH ("Sl. glasnik BiH" broj 44/03), Zakonom o uplatama na Jedinstveni račun i raspodjeli prihoda ("Sl. glasnik BiH" broj 55/04), te Zakonom o porezu na dodanu vrijednost ("Sl. glasnik BiH" broj 9/05 i Sl. glasnik BiH broj 35/05), a koji će se primjenjivati od 01.01.2006.godine.

Pretpostavlja se da će Općine po ovom osnovu dobiti isti iznos sredstava kao u 2005.godini od poreza na promet proizvoda i usluga, a u zavisnosti od prikupljanja sredstava čak i veći dio.

**Neporezni prihodi** čine 60% ukupno planiranih prihoda u 2006.godini.

Iznos od 1.208.800 KM planiran je na bazi važećih propisa koji regulišu ovu oblast poreza.

Prikupljaju se direktnim uplatama poreskih obveznika na općinske budžete, izuzev prihoda od koncesija i posebnih naknada za ceste.

Prihod od koncesija (Zakon o koncesijama - Prečišćeni tekst Sl. Novine ZE-DO Kantona broj 5/03) planirana su u iznosom od 10.000,00 KM. Na području Općine Breza prijavljena su tri preduzeća, i to: "RKB" krečnjak Breza, "Sanex" d.o.o. Breza, i "Breza-dom"..

Ostali prihodi od imovine planirani su iznosom od 330.300 KM, a sadrže prihode od kamata na depozite, prihod od zakupa ("SRC "ADA" i magacin Civilne zaštite), te ostali prihodi od imovine-prodaja zemljišta (konkursna).

Općinske takse su planirane iznosom od 250.000 KM. U ove prihode uvrštavaju se administrativne takse (opšte takse, takse koje plaćaju društva u postupku utvrđivanja ispunjenosti uslova za obavljanje djelatnosti, takse iz oblasti samostalnog privređivanja, građevinske takse i takse u imovinsko-pravnim postupcima, sredstva Bazenijade...) i komunalne takse (taksa na istaknutu firmu, taksa za zauzimanje trotoara i ostalih slobodnih površina).

Prihodi od općinskih naknada (stav 4) u iznosu od 547.500 KM, planirani su na osnovu podataka dobivenih od Službe za prostorno uređenje, zaštitu okolice, geodetske i imovinsko pravne poslove i poslove civilne zaštite.

Prihodi od Posebne naknade i takse tj. prihodi za ceste planirani su samo u okviru dvije stavke i to naknade za upotrebu pravna lica i naknade za upotrebu fizička lica iznosom od 54.000 KM, a na osnovu njihovog ostvarenja u proteklom periodu, dok stavka "Naknade puteva iz cijena nafte i naftnih derivata", a na osnovu Zakona o sistemu indirektnog oporezivanja ("Sl. glasnik BiH" broj 44/03) pripadaju skupini Poreznih prihoda-Indirektni porezi od nafte, a koji su planirani u iznosu od 100.000 KM.

- Sredstva se troše namjenski i to:
- zimsko održavanje,
- infrastruktura općine

Prihodi od pružanja usluga ostalim su planirani u iznosu od 12.000 KM, a obuhvataju naknade troškova komisije za tehnički pregled objekata i refundacija troškova za učinjene usluge drugim od strane Općine.

Novčane kazne su prihodi ubrani na osnovu novčanih kazni izrečenih po općinskim propisima. Planirani su u iznosu od 5.000 KM.

#### **- POTPORE -GRANTOVI -**

- Prihodi po ovom osnovu nisu planirani. Ukoliko dođe do njihove realizacije, biti će naknadno razvrstani (izmirenje dijela prenesenih obaveza, namjenski utrošak i slično), a u skladu sa zakonskim procedurama.

#### **IZDACI**

- Izdaci za 2006.godinu planirani su iznosom od 2.002.800 KM, za pokriće izdataka korisnika budžetskih sredstava.

Bilanca izdataka data je u tabelarnom prikazu br. 2-Izdaci.

Strukturu planiranih izdataka u Budžetu za 2006.godinu čine:

<b>NAZIV</b>	<b>IZNOS KM</b>	<b>% UČEŠĆA</b>
Bruto plaće i naknade	550.000	27,46
Doprinos poslodavca	61.000	3,05
Naknade troškova zaposlenih i skupštinskih zastupnika	220.000	10,98
Izdaci za materijal i usluge	400.000	19,97
Grantovi - tekući transferi	522.300	26,08
Kapitalni izdaci	174.500	8,71
Izdaci za kamate	45.000	2,25
Budžetska rezerva	30.000	1,50
<b>UKUPNO</b>	<b>2.002.800</b>	<b>100</b>

#### **PLAĆE I NAKNADE**

Bruto plaće i naknade sa doprinosom poslodavca planirane su u iznosu od 611.000 KM što je 30,50% ukupnih rashoda. Organ uprave Općine Breza ima 52 uposlena radnika u 3 službe:

- Služba za privredu, finansije i opću upravu
- Služba za prostorno uređenje, zaštitu okoline, geodetske i imovinsko pravne i poslove civilne zaštite
- Služba Općinskog vijeća i općinskog Načelnika,

te institucija Općinskog pravobranioca koja broja 2 uposlena radnika, kao i javnu ustanovu Centar za socijalni rad Općine Breza sa 7 uposlenih radnika. Plaće se isplaćuju po Zakonu o radnim odnosima i plaćama službenika organa uprave u Federaciji BiH ("Sl.novine FBiH" br. 13/98).

#### **NAKNADE TROŠKOVA ZAPOSLENIH I OPĆINSKIH VIJEĆNIKA**

Naknade troškova zaposlenih i općinskih vijećnika planirani su iznosom od 220.000 KM. Obuhvataju:

- naknade za topli obrok radnika (dozvoljena neporeziva suma 2% od prosječne neto plaće FBiH),
- naknade za prevoz radnika,

- vijećnička naknada (planiran iznos od 130 KM po jednom vijećniku u mjesecu uz obračunati porez od 30% na 130 KM, te naknada od 20 KM za Predsjedavajuće klubova poslanika uz obračunati porez),

- regres za godišnji odmor (70% plate radnika, namještenika po prosječnoj plaći Federacije BiH objavljen u posljednjem mjesecu prije isplate),

- isplata komisijama vijeća, te naknada Predsjedniku vijeća, a na osnovu Odluke o naknadama članovima stalnih i povremenih tijela Općinskog vijeća broj: 01/1-023-55/98 od 22.01.1998.godine.

#### IZDACI ZA MATERIJAL I USLUGE

Planirani izdaci za materijal i usluge u budžetu za 2006.godinu iznose 400.000 KM, i u ukupnom iznosu izdataka budžeta iznose 19,97%.

Planirani su na bazi nastalih rashoda za prvih 9 mjeseci 2005.godine, uz korekciju uvođenje Poreza na dodanu vrijednost. Analitički su prikazani u tabeli broj 2 - Izdaci.

#### POTPORE-GRANTOVI

- **Potpore drugim nivoima vlasti** planirane su u visini od 158.000 KM i to:

- **Izdaci za finansiranje tužbe Republike BiH protiv državne zajednice Srbije i Crne Gore** u visini od 10.000 KM.

- **Grantovi mjesnim zajednicama** planirani su iznosom od 148.300 KM. Sredstva će se trošiti za finansiranje infrastrukture po mjesnim zajednicama i vođenje drugih aktivnosti.

- **Grantovi pojedincima**-planirana sredstava u visini od 81.500 KM, i to:

- jednokratne pomoći Centru za socijalni rad 20.000 KM,

- izdaci za vojne invalide 3.000 KM,

- izdaci za finansiranje prevoza učenika 8.500 KM, a na osnovu Zaključka Općinskog načelnika broj 01/2-49-366/05 od 25.10.2005.godine,

- subvencije za razvoj poljoprivrede 50.000 KM.

- **Grantovi neprofitnim organizacijama** - planirani iznos od 168.000 KM.

- Sredstva političkim partijama iznose 30.000 KM, a raspoređena su na način da se 30% sredstava raspoređuje jednako svim političkim partijama-strankama, a 70% ukupnog iznosa se raspoređuje srazmjerno broju vijećničkih mjesta koje svaka parlamentarna partija-stranka ima u trenutku raspodjele.

- Grant udruženja građana je planiran sa 138.000 KM a obuhvata:

- sredstva za sport 100.000 KM

- sredstva za rad udruženja 38.000 KM

( boračke populacije 18.000 KM -SUBNOR, RVI, Porodice Šehida , JOB-unija veterana,

Zlatni ljljani i ostala udruženja 20.000 KM).

**Subvencije javnim ustanovama** iznose 98.500 KM za finansiranje dječijeg obdaništa 40.000 KM, grijanje srednjih škola 36.000 KM (50% participacije Općine u ukupnoj cijeni), primarna zdravstvena zaštita 15.000 KM i biblioteka M. Kantardžić 7.500 KM (grijanje i obnova knjižnog fonda).

- **Izdvojena sredstva-posebni porezi** u visini od 16.000 KM jesu sredstva koja će se koristiti za zaštitu ljudi i materijalnih dobara, a prema Zakonom od spašavanja ljudi i materijalnih dobara od prirodnih i drugih nesreća ("Sl.novine FBiH" broj 39/03) i Uputstva za korištenje istih.

**Kamate na domaće pozajmljivanje** planirane su na osnovu otplatnog plana po kreditu za vodosnabdijevanje općine i iznose 45.000 KM ( kamate u okviru dva anuiteta godišnje).

**Kapitalni izdaci čine 8,71%** ukupno planiranih izdataka. Finansiranje po ovom osnovu obezbjeđeno je iz prihoda od prodaje zemljišta i prihoda općinskih naknada. Obuhvataju sljedeće stavke:

- Otplata kredita za vodosnadbjevanje (otplata u okviru anuiteta)	69.000 KM
- Nabavka opreme	15.000 KM
- Opremanje Protokola - šalter sala	80.500 KM
- Opremanje prostorija Vijeća	10.000 KM

**Tekuća rezerva** iznosi 30.000 KM ili 1,50% budžeta Općine, a koristit će se za finansiranje eventualno nastalih rashoda koji nisu predviđeni budžetom, a nastanu tokom 2006.godine.

Služba za privredu, finansije i opću upravu











Na osnovu člana 1. i 36. Zakona o proračunima-budžetima ("Službeni list FBiH", broj 20/98) i člana 98. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.12.2005. godine, d o n o s i

## **O D L U K U**

### **o izvršavanju Budžeta Općine Breza za 2006. godinu**

#### **I - OPĆE ODREDBE**

##### **Član 1.**

Ovom Odlukom se uređuje način izvršavanja Budžeta Općine Breza za 2006. godinu (u daljem tekstu Budžet), upravljanja prihodima i izdacima Budžeta, te prava i obaveze korisnika budžetskih sredstava.

##### **Član 2.**

Opći dio Budžeta se sastoji od bilansa prihoda i izdataka, a poseban dio sadrži detaljniji raspored izdataka za tekuće transfere.

U bilansu prihoda i izdataka iskazuju se porezni i neporezni prihodi i drugi prihodi i principi, te izdaci utvrđeni za finansiranje javnih izdataka na nivou Općine Breza na osnovu zakonskih i drugih propisa.

#### **II - TRANSPARENTNOST I JAVNOST BUDŽETA**

##### **Član 3.**

S ciljem obezbjeđenja transparentnosti Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana. S ciljem javnosti upravljanja javnim novcem izvršenje Budžeta Općine Breza će se objaviti, ukupno i po budžetskim korisnicima u "Službenom glasniku Općine Breza".

#### **III - REVIZIJA I KONTROLA BUDŽETA**

##### **Član 4.**

Reviziju Budžeta vrši Ministarstvo finansija - Ured za reviziju.

Nadzor nad finansijskim materijalnim i računovodstvenim poslovanjem te nad zakonitom i namjenskom upotrebom budžetskih sredstava od strane korisnika obavlja Ministarstvo finansija, kao organ sa višeg nivoa i Komisija za nadzor Budžeta formirana od Općinskog vijeća, u skladu sa članom 39. Poslovnika o radu Općinskog vijeća Breza, te Komisija za internu kontrolu formirana od strane Općinskog načelnika na osnovu člana 35. Statuta Općine Breza.

Komisija za Nadzor budžeta izvještava Općinsko vijeće o trošenju budžetskih sredstava, u pravilu svakih šest mjeseci.

**IV - IZVRŠAVANJE BUDŽETA****Član 5.**

Sredstva Budžeta osiguravaju se budžetskim korisnicima koji su u dijelu Budžeta određeni kao nosioci sredstava po pojedinim pozicijama.

Korisnici Budžeta sredstva Budžeta koriste samo za namjene koje su određene Budžetom, i to do visine utvrđene u njegovom posebnom dijelu.

**Član 6.**

Budžetski korisnici sredstva Budžeta koriste u skladu sa svojim godišnjim finansijskim planom.

**Član 7.**

Prilikom dogovaranja uslova za ispunjenje obaveza koje se podmiruju iz Budžeta, korisnici Budžeta su dužni uzimati u obzir dinamiku priliva i odliva sredstava.

**Član 8.**

Postupak nabavke investicionih dobara i usluga obavlja se u skladu sa Zakonom o javnim nabavkama BiH ("Službeni glasnik BiH", broj 49/04, 19/05 i 52/05).

**Član 9.**

Budžet se izvršava na osnovu mjesečnih i tromjesečnih planova za izvršenje Budžeta, a u skladu sa raspoloživim sredstvima, čime se ujedno utvrđuje dinamika izvršavanja Budžeta.

**Član 10.**

Općinski načelnik-Služba za privredu, finansije i opću upravu izvršava mjesečno i tromjesečno finansijske planove po korisnicima u skladu sa raspoloživim sredstvima.

**Član 11.**

Općinski načelnik-Služba za privredu, finansije i opću upravu dostavlja tromjesečne, polugodišnje i devetomjesečne izvještaje Ministarstvu finansija Kantona, kao i godišnji konsolidovani izvještaj, nakon predaje završnog računa u Poreznu ispostavu.

**Član 12.**

Općinski načelnik je dužan do 30. aprila tekuće godine izvjestiti Općinsko vijeće o izvršenju budžeta za prethodnu godinu, na usvajanje.

**Član 13.**

Općinski načelnik-Služba za privredu, finansije i opću upravu su obavezni izvjestiti Općinsko vijeće o izvršavanju Budžeta za prvo polugodište fiskalne godine najkasnije do 15. augusta tekuće godine.

**Član 14.**

Neutrošena sredstva po pojedinim stavkama iz mjesečnog plana izvršavanja Budžeta Služba prenosi na iste stavke u naredni mjesečni plan izvršavanja budžeta u okviru budžetske godine.

**Član 15.**

Izuzetno, izdaci koji nisu predviđeni ili izdaci koji zahtijevaju prekoračenje pojedinih stavki mogu se podmiriti samo uz saglasnost Općinskog vijeća.

**Član 16.**

Općinski načelnik uz odobrenje Općinskog vijeća odlučuje o budžetskoj rezervi, ukoliko je planirana Budžetom za tekuću godinu.

**Član 17.**

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

**Član 18.**

Transfer za političke partije-stranke raspoređivat će se na način da se 30% sredstava raspoređuje jednako svim parlamentarnim partijama-strankama, a 70% od ukupnog iznosa se raspoređuje srazmjerno broju poslaničkih mjesta, koja svaka parlamentarna partija-stranka ima u trenutku raspodjele.

**Član 19.**

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2255/05  
Breza, 22.12.2005.

PREDSJEDAVAJUĆI  
Općinskog vijeća  
Vinko Pandža, s.r.

.....

Na osnovu člana 1. i 2. Zakona o komunalnim taksama ("Službeni list SRBiH", broj 21/77, 35/88 i 26/89), člana 22. tačka 7. Zakona o lokalnoj samoupravi ("Službene novine ZE-DO kantona", broj 13/98 i 8/00) člana 49. stav 1. Statuta Općine Breza ("Službeni glasnik Općine Breza", broj 1/99, 4/99 i 7/99) Općinsko vijeće Breza, na sjednici održanoj dana 22.12.2005. godine d o n o s i

**O D L U K U**  
**o izmjeni Odluke o komunalnim taksama**

**Član 1.**

U tarifi komunalnih taksa koja je sastavni dio Odluke o komunalnim taksama ("Službeni glasnik Općine Breza", broj 4/2000 i 9/2003) tarifni broj 3. mijenja se i glasi:

**TARIFNI BROJ 3.**

Za svaku istaknutu firmu, oznaku obilježje ili natpis na objektima, upravnim zgradama, poslovnim jedinicama, prodajnim objektima i slično, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnje taksa u iznosu kako slijedi:

	<b>PRAVNA LICA</b>	<b>FIZIČKA LICA</b>
<b>I - IZ OBLASTI PROIZVODNJE</b>		
1. Proizvodnja uglja	2.000 KM	
2. Proizvodnja betonske galanterije	2.400 KM	320 KM
3. Prerada drveta i proizvoda od drveta	1.600 KM	320 KM
4. Proizvodnja tekstila i tekstilnih proizvoda	800 KM	160 KM
5. Obrada metala i proizvoda od metala	800 KM	160 KM
6. Proizvodnja i prerada kamena	2.400 KM	160 KM
7. Preduzeća za pružanje građevinskih usluga (građevinarstvo)	1.600 KM	400 KM
8. Proizvodnja gljiva (pravna lica)	240 KM	80 KM
9. Distribucija nafte i naftnih derivata	3.600 KM	
10. Proizvodnja jaja na farmama	240 KM	160 KM
11. Proizvodnja i prerada plastike	560 KM	
12. Distribucija električne energije	4.500 KM	
13. Proizvodnja bezalkoholnih pića	300 KM	
<b>II - IZ OBLASTI BANKARSTVA, PTT USLUGA, MIKROKREDITA I OSTALO</b>		
1. Banke, i mikrokreditne organizacije	3.500 KM	500 KM
2. PTT usluge	1.500 KM	
3. Preduzeće i samostalne radnje koje se bave postavljanjem i održavanjem mreže za kablovsko emitovanje programa	500 KM	300 KM
4. Usluge iz oblasti telefonskih komunikacija	5.000 KM	
5. Tehnički pregled vozila	3.000 KM	500 KM
<b>III - OBJEKTI U KOJIMA SE PRIREĐUJU IGRE NA SREĆU</b>		
1. Objekti u kojima se prodaju igre na sreću (lutrije, kladionice i sl.)	5.000 KM	
<b>IV - OSIGURAVAJUĆA DRUŠTVA</b>		
1. Institucije koje se bave osiguranjem	2.000 KM	
<b>V - IZ OBLASTI TRGOVINE</b>		
1. Trgovina na veliko i uvoz	1.200 KM	
2. Trgovina na malo	400 KM	200 KM
3. Samostalne trgovačke radnje		200 KM
4. Samostalne trgovačke radnje (kiosk)		120 KM
5. Tezge na pijaci		200 KM
6. Buregdžinice, aščinice, čevabdžinice, kafe slastičarne		240 KM
7. Mesari		1.000 KM
8. Zlatari		300 KM
9. Pekari		320 KM

	PRAVNA LICA	FIZIČKA LICA
<b>VI - IZ OBLASTI UGOSTITELJSTVA</b>		
1. Hoteli	500 KM	
2. Moteli, pansioni	500 KM	400 KM
3. Barovi, noćni klubovi, disko	600 KM	400 KM
4. SUR i ostali objekti iz ugostiteljstva		300 KM
<b>VII - IZ OBLASTI OBAVLJANJA PROFESIONALNE DJELATNOSTI</b>		
1. Zdravstveni radnici, veterinari, advokati, arhitekta, revizori, prevodioci, sudski tumači, novinari, inovatori i ostali		320 KM
<b>VIII - OSTALE INTELEKTUALNE USLUGE</b>		
1. Kompjuterske usluge	400 KM	240 KM
2. Vođenje poslovnih knjiga	800 KM	320 KM
<b>IX - IZ OBLASTI PREVOZA ROBA I PUTNIKA</b>		
1. Prevoz putnika javno	1.000 KM	
2. Prevoz roba javno	400 KM	
3. Prevoz putnika - taksi automobili		160 KM
4. Autoprevoznici		240 KM
<b>X - IZ OBLASTI ZANATSKE DJELATNOSTI</b>		
1. Održavanje i popravke motornih vozila	400 KM	160 KM
2. Obavljanje grafičke i njigovezačke djel.	400 KM	160 KM
3. Automehaničari		240 KM
4. Autopraonice		160 KM
5. Fotografii		160 KM
6. Frizeri		160 KM
7. Limari, vodoinstalateri, autolakireri, vulkanizeri, TV mehaničari, staklari, zidari, klesari, električari, krojači, obučari, bravari, moleri, grafičari, videoteke, fitnes saune.		160 KM
8. Pržionice kafe	240 KM	160 KM
9. Internet usluge		160 KM
10. Pružanje pogrebnih usluga	240 KM	120 KM
10. Ostale nespomenute djelatnosti	240 KM	120 KM

**NAPOMENA:**

1. Pravna lica plaćaju komunalnu taksu za isticanje firme za djelatnost za koju su registrovani iz obavještenja Zavoda za statistiku.

Ako se radi o pravnom licu koje posjeduje više poslovnih jedinica (prodavnica, magacin, skladište, stovarište, trgovinska radnja i drugi objekti) a ima sjedište na području Općine Breza za svaku poslovnu jedinicu plaća se taksa u iznosu od još po 100 KM.

Za pravna lica koja imaju sjedište na području druge općine, a poslovne jedinice na području Općine Breza (prodavnice, magacin, skladište, stovarište, trgovinska radnja i drugi objekti) za svaku poslovnu jedinicu plaća se taksa od 200 KM.



2. Ako se firma ističe u drugom polugodištu taksa se razrezuje u iznosu od 50% od propisane.

3. Prijavu za rezrez takse obveznik je dužan podnijeti Poreskoj ispostavi Breza do 31.januara tekuće godine prema stanju na dan 01.januara tekuće godine za koju se razrez vrši.

## Član 2.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2256/05  
Breza, 22.12.2005.

PREDSJEDAVAJUĆI  
Općinskog vijeća  
Vinko Pandža.s.r.

Na osnovu člana 24. stav 1. Zakona o građevinskom zemljištu FBiH ("Službene novine FBiH", broj 25/03) i člana 27. Statuta Općine Breza ("Službeni glasnik općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.12.2005. godine, d o n o s i

## RJEŠENJE

1. PREUZIMA SE od RMU "Breza" D.O.O. Breza u svrhu privođenja trajnoj namjeni neizgrađeno gradsko građevinsko zemljište označeno kao:

- k.č.br. 663/10 upisano u zk.ul.br. 958 k.o. Breza (s.p.) u površini od 2200 m2, a što odgovara parceli novog premjera broj 1466/27 k.o. Mahala.

2. Preuzimanje zemljišta vrši se uz novčanu naknadu samo do visine vrijednosti ulaganja u zemljište koje se preuzima, a ista će se odrediti u posebnom postupku određivanja naknade, nakon pravosnažnosti ovog rješenja.

3. Zemljišno-knjižni ured Općinskog suda Visoko će po pravosnažnosti ovog rješenja brisati upis dosadašnjeg nosioca prava upravljanja na zemljištu iz tačke 1., a izvršiti će uknjižbu prava raspolaganja sa dijelom 1/1 u korist Općine Breza.

## O b r a z l o ž e n j e

Prema Urbanističkom planu za grad Brezu, predmetno zemljište se nalazi u industrijskoj zoni, te je iz tih razloga ova služba pristupila preduzimanju određenih aktivnosti usmjerenih na privođenje trajnoj namjeni zemljišta navedenog u tački 1. dispozitiva ovog rješenja.

U provedenom postupku utvrđeno je da se predmetno zemljište u zemljišnoj knjizi vodi kao opštenarodna imovina sa dijelom od 1/1, a RMU "Breza" D.O.O. Breza vodi se kao organ upravljanja.

Takođe, u postupku preuzimanja građevinskog zemljišta u skladu sa članom 24. stav 2. Zakona o građevinskom zemljištu FBiH, izvršeno je saslušanje punomoćnika organa upravljanja RMU "Breza" D.O.O. Breza, koji je izjavio da se ne protivi preuzimanju navedenog zemljišta.

Shodno članu 18. stav 2. Zakona o građevinskom zemljištu FBiH preuzimanje predmetnog zemljišta vrši se uz naknadu samo do visine vrijednosti ulaganja u zemljište koje se preuzima.

Novčana naknada će se shodno članu 69. stav 2. istog Zakona odrediti u posebnom postupku određivanja naknade nakon pravosnažnosti ovog rješenja uz obezbjeđenje odgovarajućih dokaza od strane RMU "Breza" D.O.O. Breza, na osnovu kojih se na nesumnjiv način može utvrditi vrijednost ulaganja RMU "Breza" D.O.O. Breza u zemljište koje se preuzima.

Kako su se u konkretnom slučaju stekli uslovi iz člana 24. i 43. Zakona o građevinskom zemljištu FBiH za preuzimanje građevinskog zemljišta iz posjeda nosioca prava upravljanja, to je riješeno kao u dispozitivu ovog rješenja.

Kako je punomoćnik organa upravljanja RMU "Breza" D.O.O. Breza na zapisnik pred Službom za prostorno uređenje, zaštitu okoliša, geodetske, imovinsko-pravne i poslove civilne zaštite izjavio da se odriče prava pokretanja upravnog spora, to će ovo rješenje danom dostavljanja rješenja RMU "Breza" D.O.O. Breza, postati pravosnažno.

Ovo rješenje će se objaviti u "Službenom glasniku Općine Breza".

Broj: 01/1-02-2257/05  
Breza, 22.12.2005. godine

PREDSJEDAVAJUĆI  
Općinskog vijeća  
Vinko Pandža, s.r.

.....

Na osnovu člana 6. Zakona o građevinskom zemljištu Federacije BiH ("Službene novine FBiH", broj 25/03), člana 27. i 49. Statuta općine Breza ("Službeni glasnik općine Breza", broj 1/99, 4/99 i 7/99) i člana 7. stav 1. Odluke o građevinskom zemljištu ("Službeni glasnik Općine Breza", broj 3/04), Općinsko vijeće Breza na sjednici održanoj dana 22.12.2005. godine, d o n o s i

## ODLUKU

**o raspisivanju Konkursa za dodjelu neizgrađenog  
gradskog građevinskog zemljišta na trajno korištenje**

## Član 1.

Pristupa se raspisivanju Konkursa za dodjelu neizgrađenog gradskog građevinskog zemljišta na trajno korištenje, a u svrhu privođenja zemljišta trajnoj namjeni koje je označeno kao:

- k.č.br. 663/10 k.o. Breza (s.p.), što odgovara k.č.br. 1466/27 k.o. Mahala (n.p.) u površini od 2200 m<sup>2</sup>.

Navedene nepokretnosti se nalaze u okviru kruga RMU industrijske zone, Potkraj.

## Član 2.

Početna cijena nepokretnosti iz člana 1. odluke obuhvata:

- naknadu ranijem vlasniku za preuzeto zemljišteu iznosu 12,00 KM/m<sup>2</sup>,
- naknadu iz osnova prirodnih pogodnosti - renta koja iznosi 18,00 KM/m<sup>2</sup> korisne površine objekta koji će se graditi.

**Član 3.**

Za realizaciju ove Odluke zadužuje se Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje, nakon pravosnažnosti i izvršnosti rješenja o preuzimanju zemljišta iz člana 1. ove Odluke od RMU "Breza" D.O.O. Breza.

**Član 4.**

Ova Odluka stupa na snagu danom objavljivanja u "Službenom glasniku općine Breza".

Broj: 01/1-02-2262/05  
Breza, 22.12.2005. godine

**PREDSJEDAVAJUĆI**  
Općinskog vijeća  
Pandža Vinko,s.r.

• • • • •  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2258/05  
Breza, 27.12.2005.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99) prilikom razmatranja Programa rada Općinskog načelnika za 2006. godinu, Općinsko vijeće Breza na sjednici održanoj dana 22.12.2005. godine, d o n o s i

**Z A K L J U Č K****I**

**USVAJA SE** Program rada Općinskog načelnika za 2006. godinu.

DOSTAVLJENO:  
1x Općinski načelnik,  
1x 01/1,  
1x Arhiva.

**PREDSJEDAVAJUĆI**  
Općinskog vijeća  
Vinko Pandža,s.r.

• • • • •

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2263/05  
Breza, 27.12.2005.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99) prilikom razmatranja usmene informacije o problemima grijanja školskih ustanova na području Općine Breza, Općinsko vijeće Breza na sjednici održanoj dana 22.12.2005. godine, d o n o s i

### **Z A K L J U Č A K**

#### **I**

Da se imenuje stručna komisija koja će predložiti rješenje po pitanju grijanja na području Općine Breza.

Rok: ODMAH

#### **II**

Za realizaciju zaključka zadužuje se Općinski načelnik.

DOSTAVLJENO:  
1x Općinski načelnik,  
1x JP "Komunalno" Breza d.o.o.,  
1x Rudnik mrkog uglja Breza,  
1x Škole na području Općine Breza  
1x 01/1,  
1x Arhiva.

PREDSJEDAVAJUĆI  
Općinskog vijeća  
Vinko Pandža,s.r.

• • • • •  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2257-1/05  
Breza, 27.12.2005.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja Rješenja o preuzimanju zemljišta od RMU Breza u Brezi, Općinsko vijeće Breza na sjednici održanoj dana 22.12.2005. godine donosi

**ZAKLJUČAK****I**

Da se novčana naknada po Rješenju o preuzimanju od RMU "Breza" d.o.o. Breza u svrhu privođenja trajnoj namjeni neizgrađeno gradsko građevinsko zemljište označeno kao k.č.br. 663/10 upisano u zk.ul.br. 958 k.o. Breza (s.p.) u površini od 2200 m<sup>2</sup> koja će se utvrditi u posebnom postupku utvrdi shodno članu 18. stav 2. Zakona o građevinskom zemljištu FBiH preuzimanje predmetnog zemljišta vrši se uz naknadu samo do visine vrijednosti ulaganja u zemljište koje se preuzima tj. od 12,00 KM/m<sup>2</sup>.

**II**

Za realizaciju zaključka zadužuje se Služba za prostorno uređenje, zaštitu okolice, geodetske, imovinsko-pravne i poslove civilne zaštite.

DOSTAVLJENO:

1x Služba za prost.uređenje,  
1x 01/1,  
1x Arhiva.

PREDSJEDAVAJUĆI

Općinskog vijeća  
Vinko Pandža,s.r.

.....

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2259/05  
Breza, 26.12.2005.godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj: 13/98 i 8/2000) i člana 50. stav 2. Statuta Općine Breza ("Službeni glasnik Općine Breza", broj 1/99, 4/99 i 9/99), Općinsko vijeće Breza na sjednici održanoj dana 22.12.2005. godine d o n o s i

**RJEŠENJE****o imenovanju komisije za dodjelu na privremeno  
korištenje stambenih jedinica u potkrovlju****I**

U Komisiju za dodjelu na privremeno korištenje stambenih jedinica u potkrovlju, imenuju se:

1. Muratović Salko, predsjednik,
2. Hasanspahić Vahidin, član,
3. Salkić Muamer, član,
4. Omerhodžić Zuhdija, član,
5. Vrljičak Miro, član.

**II**

Imenovanje se vrši na period od 4 (četiri) godine.

**III**

Ovo rješenje stupa na snagu danom objavljivanja u "Službenom glasniku Općine Breza".

DOSTAVLJENO:

5x Članovima komisije,  
1x Služba za prost.uređenje,  
1x 01/1,  
1x Arhiva

PREDSJEDAVAJUĆI

Općinskog vijeća  
Vinko Pandža, s.r.

.....

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2260/05  
Breza, 26.12.2005.godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj: 13/98 i 8/2000) i člana 50. stav 2. Statuta Općine Breza ("Službeni glasnik Općine Breza", broj 1/99, 4/99 i 9/99), Općinsko vijeće Breza na sjednici održanoj dana 22.12.2005. godine d o n o s i

**R J E Š E N J E**

**o imenovanju privremenog radnog tijela komisija  
za razmatranje inicijativa za obilježavanje bitnih datuma općine**

**I**

U Komisiju za razmatranje inicijativa za obilježavanje bitnih datuma Općine, imenuju se:

1. Ćosić Benjamin, predsjednik,
2. Hasanspahić Senad, član,
3. Alikadić Adnan, član,
4. Dinarević (Zahida) Adnan, član,
5. Omerhodžić (Muje) Adem, član,
6. Smailbegović Nijaz, član,
7. Bulbulušić Sabahudin, član,

## 11

Zadatak komisije iz člana I ovog rješenja je da razmotri inicijative i predloži Općinskom vijeću Odluku bitnim datumima općine Breza.

11

Ovo Rješenje stupa na snagu danom objavljivanja u "Službenom glasniku Općine Breza".

DOSTAVLJENO:  
7x Članovima komisije,  
3x Udruženja boračkih populacija,  
1x 01/1,  
1x Arhiva.

PREDSJEDAVAJUĆI  
Općinskog vijeća  
Vinko Pandža,s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-2261/05  
Breza, 26.12.2005.godine

Na osnovu člana 19. Zakona o prometu nepokretnosti ("Službeni list SRBiH", broj 38/78, 4/89, 29/90, 22/91 i Službeni list R BiH broj 21/92, 3/94, 13/94, 18/94) člana 8. Pravilnika o postupku javnog nadmetanja za prodaju nepokretnosti u društvenoj svojini ("Službeni list SRBiH", broj 28/79) i člana 50. stav 2. Statuta Općine Breza ("Službeni glasnik Općine Breza", broj 1/99, 4/99 i 9/99), Općinsko vijeće Breza na sednici održanoj dana 22.12.2005. godine d o n o s i

## RJEŠENJE

## **o imenovanju komisije za javnu prodaju nepokretnosti**

## 1

U Komisiju za javnu prodaju nepokretnosti, imenuju se:

1. Nefić Mubera, predsjednik komisije,
2. Salkić Alija, zamjenik predsjednika komisije,
3. Fišek Ibrahim, član komisije,
4. Kadrić Suad, zamjenik člana komisije,
5. Jusić Midhat, član komisije,
6. Frljak Muharem, zamjenik člana komisije.

Zadatak komisije iz člana I ovog rješenja je da sprovodi postupak javne prodaje nepokretnosti u vlasništvu Općine Breza.

Imenovanje komisije vrši se na period od 4 (četiri) godine.

Ovo rješenje stupa na snagu danom objavljivanja u "Službenom glasniku Općine Breza".

DOSTAVLJENO:  
6x Članovima komisije,  
1x Služba za prost. uređenje,  
1x 01/1,  
1x Arhiva.

PREDSJEDAVAJUĆI  
Općinskog vijeća  
Vinko Pandža,s.r.





## S A D R Ź A J

- 115. Budžet Općine Breza za 2006. godinu.
- 125. Odluka o izvršavanju Budžeta Općine Breza za 2006. godinu.
- 127. Odluka o izmjeni Odluke o komunalnim taksama.
- 130. Rješenje o preuzimanju od RMU "Breza" D.O.O. Breza u svrhu privođenja trajnoj namjeni neizgrađeno gradsko građevinsko zemljište označeno kao k.č.br.663/10 upisano u zk.ul.br. 958 k.o. Breza (s.p.) u površini od 2200 m2.
- 131. Odluka o raspisivanju Konkursa za dodjelu neizgrađenog gradskog građevinskog zemljišta na trajno korištenje.
- 132. Zaključak o usvajanju Programa rada Općinskog načelnika za 2006. godinu.
- 133. Zaključak o imenovanju stručne komisije koja će predložiti rješenje po pitanju grijanja na području Općine Breza.
- 134. Zaključak da se novčana naknada po Rješenju o preuzimanju od RMU "Breza" d.o.o. Breza vrši uz naknadu samo do visine vrijednosti ulaganja u zemljište koje se preuzima tj. od 12,00 KM/m2.
- 134. Rješenje o imenovanju komisije za dodjelu na privremeno korištenje stambenih jedinica u potkrovlju.
- 135. Rješenje o imenovanju privremenog radnog tijela komisija za razmatranje inicijativa za obilježavanje bitnih datuma općine.
- 136. Rješenje o imenovanju komisije za javnu prodaju nepokretnosti.

